

盛明雜劇二集

盛明雜劇

幔亭僊史編次

武功山人評點

雙鶯傳

末上滿庭芳
歌院雙鶯、詞壇二雋、驀然江上、奇逢、
匆匆別去、相訪却西東、轉笑良緣多阻、錯、邂逅、浪、
蝶、狂蜂、堪羨處、金閨重會、滿座集、嬌紅、

第一折

破齊陣、生寶、劍朝飛、虹影彩毫、夜煥霞光、可笑年來、

貂裘塵染。空剩英雄色相。醉向湘江吸星斗。夢上秦臺引鳳皇。誰人識我狂。

西風蕭瑟滿江干。匹馬長嘶破曉寒。欲慰牢騷心底事。幾回細捉寶刀看。小生姓商名瑩。字雪映。舊吳人也。書窺二酉。兼通黃石奇謀。筆掞三都。且諧白猿神術。一腔熱血。惜鮑叔之難逢。十載雄心。嘆伯樂之未遇。近聞國家多事。獻策於當事者。誰料數奇不遇。復做劉蕡。今將買棹而東。途中寂寞。如何是好。此時得倪羽遐兄到來。便好同舟回去。呀。

道猶未了、前面來的恰像羽退模樣、小生上

七娘兒胸中浩氣三千丈。到今朝淚灑秋江。

小生姓倪名鴻、字羽退、下第東歸、來到江頭買棹、見生介呀、雪映兄也在此喚船、正好同載而回、生笑介適在此想兄、來得恰好、就此同喚江船去、梢水那里、小淨上不將辛苦事、難近世間財、兩位相公、要到那里、二生到蘇州去、小淨船錢多少、可要講一講、二生自然不虧你罷了、小淨既如此、就請上船、二生上船介、生呀、倪兄、你看、迢迢山色、脉脉

詞絕佳
而感慨
係之歷
落欵寄
現于筆
底

江流淡淡秋雲沉沉晚照好傷感人也。小生商兄，你看芙蓉冷落片月孤懸一似我兩人光景。生

錦纏道

泛秋江見芙蓉離離水傍。小生冷淡可憐粧。

生看他倦無聊爭拚沉醉斜陽。小生怪的是狠催殘。

西風墜霜。生更堪憐半輪月猶伴孤芳。小生光景恁

淒涼。相感處越增悵快。長呼問彼蒼怎發付寂寥江。

上生好教我顧影費推詳。

小生以兄之才取功名如拾芥奈世無碧眼胡使

明珠淪落能無痛惜。生小弟何足惜所可惜者吾

兄復遭刖耳。生嘆介咳。英雄本相原多拂逆。只怕
一朝鏡點霜華。縱得權勢也幹不多事業了。小生
便是呢。生

普天樂美詞華空飄漾。莽意氣都銷喪。還只怕鏡裏
飛霜。那時節日暮徬徨。合思之可傷。待忘懷奈何猿
馬難降。

小生就此泊船。明日早行罷。小淨應下。生如此江
景與兄滿引大白消遣。壯懷有何不可。小生這却
使得做飲酒介。

古輪臺漫傳觴。今宵拚醉水雲鄉。仰看珠斗銀河朗。
波光搖漾。樹影蒼茫。回首不堪凝望。長鈇羞彈唾壺。
空響待吹簫。擊筑弄漁陽。風流跌宕。控紫騮馳驟。平
康。還向星河遠。泛石梁。危坐幔亭。悲唱血淚灑瀟湘。
騎鯨上廣寒仙府。聽霓裳。

餘文停杯處。想恁狂。思暫借邯鄲半晌。却不道月暗。
秋江人斷腸。

生月已漸沉。酒亦半酣。且向江濱散立。待他收拾。
酒散下來便睡。有何不可。小生政有此意。同做上。

岸介

肝腸如雪氣如虹

可歎劉蕡遇獨窮

携取床頭數升酒

醉尋江岸哭西風

第二折

番卜算

旦上髻挽楚山雲裙曳瀟湘水

小旦上滿船

空載月明歸多少傷秋意

旦自初追歡錦繡叢小旦徵歌選妓日匆匆旦舞

低楊柳樓心月小旦歌罷桃花扇底風旦奴家張

曉鶯是也小旦妾乃小鶯的便是旦妹妹我與你

白下回來、泊此江濱、你看長烟、一抹朦朧、着非樹、
非山、冷月無聲、搖漾處、誰天誰水、好一派夜色也、
小旦姐姐、我與你乘此夜靜、將兩人心事、寫做仙
呂青哥兒、彈箏劈阮、弄瑄調簧、消遣一番何如、
旦

說得有理、同唱

北青哥兒堪惜咱共您雙雙、雙雙姊妹、不甫能隱跡
隱跡在深閨、苦苦鎮日價買笑追歡、不暫息曉來時、
露華輕、暈香肌、黛掃就蛾眉、窻底調笙、吹篴、席上掉
板、掀槌、愛殺是舞袖的、飄逸歌喉、清脆學士們、標題

浪子輩追隨。

二生上

西風深夜悄無人，何處歌聲起。

白蘋作聽介

二旦

看盡他俗的俗，醜的醜，愁的愁也。

有雪妬霜欺，也有翠倚紅偎，都要酬酢支持，鬧嚷嚷。八月中七月七九月九三月三待何時，待何時，驀遇兩個真正才華十分情趣，玉人兒委他做風流壻。

二生嘆：江深夜靜，那得來兩個女子，嗚嗚啞啞，吹

彈不絕。小生：莫非水仙。生：我與你吟詩逗他。吟云：

對月調銀甲，小生：因風想玉人。旦：嘆蘆花斷岸，立

着兩個少年，落句清新，含情宛轉，我們也答他兩

句、吟云、若逢鄭交甫、小旦、有珮解江濱、生、多謝佳
人酬和、小生走上船來拜謝、旦、呀、那個要你上來、
小旦、姐姐、看妹子、說個人情、罰他、再吟兩句、若吟
得好、我每續成一絕、就放他過來相見罷、旦、笑介
二生、既如此、又占先了、吟云、水面琵琶咫尺間、小
生、香風來去已相關、旦、莫教劉阮輕窺覷、小旦、錯
認天台不肯還、二生作跳上船相見、坐介、請問兩
位佳人、還是洛浦仙娥、還是湘江神女、二旦、奴家
並非仙娥、亦非神女、

醉歸花月渡，醉扶歸。墮落墮落烟花隊，混入混入翠

紅堆。

二生既在平康定，聞大名，旦妾名張曉鶯，這個

是妹子小鶯，二生原來就是雙鶯，久慕久慕，如今何

往，二旦白下將還武陵溪，何期邂逅菰蘆裡，兩位尊

姓，生姓商，小生小弟姓倪，二旦莫非雪映商相公，羽

遐倪相公麼，二生怎的曉得，二旦時習詩歌，怎的不

曉得，如今揭曉，一定得意了，二生四時花休提齊庭，

衆竽羞濫吹，咸陽敝裘復剩歸，二旦怎的屈了一次，

可惜可惜，二生月兒高江上，淒其今翻喜遇雙美，今

情誼好
極

夜秋江寂寞、小生輩借宿何如、**旦**纔訴出、飄流怨早、

逗我相憐意、**小生**睡了罷、**小旦****渡江雲**、堪笑兒郎直、

恁癡、待學那解珮江濱、一晌迷、**生**斜月漸沉、點起燈、

來、細照殘粧何如、**二旦**燭已盡了、**生**

解袍歌解三醒、夜深沉火消、芳苒、**小生**人寂靜、篆冷、

金貌、**旦**休則道、匆匆難盡、綢繆意、**小旦**怎虛度、乍相、

逢有限佳期、**生****皂羅袍**、謝秋江作主、**小生**虧了斜月、

做媒、**旦**就此扁舟借寓、**小旦**分付西風慢催、**生**難道、

五更天便了、三生會、**旦**排歌情方恰、淚已垂、**小旦**忍、

教、權、笑、遂、分、離。
二、生、腰、重、攬、臉、再、假、驚、看、晨、色、漸、熹、
微。

小淨上踏破鐵鞋無覓處，得來全不費工夫。見二

生介呀，相公却在此，害小的等得不耐煩。如今天

色將明，極順的風，快些趕路。二生你去撐過船來，

小淨船歇在下面，若要撐上來，倒是逆風逆水，甚

不穩便。生不許聒絮。丑上夜眠清早起，又有不眠

人，向小淨私語介。二生二旦同唱

大、趲、鼓、囑、伊、且、慢、催、嬌、懽、美、愛、難、忍、分、離、幾、回、展、轉

牽羅袂。片時撒手便天涯。急問仙居還約晤期。

旦妾家在武林三元坊內，門繞垂楊。二生小生半

記了，不久就來相訪。丑作開船催介二旦相思相

見知何日，此時此際難爲情。別下二生呆立看內

介小淨催介二生

二犯朝天子何意佳人江上逢。短句輕挑逗。兩情濃。

可憐別去太匆匆。想芳容。却教轉盼成空。我還疑夢

中。我還疑夢中。

何期邂逅水中仙。但許孤舟片刻緣。

東去伯勞西去燕
斷腸回首各風煙

第三折

雙勸酒

丑上

緘唇鎖牙粧聾作啞撞盡寡茶受得精
罵幫襯縱然不那近學得吮弄雞巴

自家乃韋有德表字子鄰小名復二終日在烟花
部中幫閒過日自從幾個有名的姊妹如馮家三
娘那一輩都從了良去平康靜悄白日裡也鬼出
莫怪子弟不肯使錢本等外邊沒有女客是坐得
出的目下止有馮家大阿姐終是名妓風流劉家

惹阿妹、來得安閒大雅、顧老一、金娘壽娘、都是一
時的奇品、其餘一發大而槩之、笑介不要說上三
班老白賞、就是小子之類、也看不上哩、聞得近日
到了兩個女客、萬種聰明、廿分標致、原是杭州人、
在南京下來、曉得杭州有人計較他、就住在這裡
北濠街上、不免去撞個寡門、則個正是嚼蛆、爲活
計、閒蕩作生涯、下旦上

海棠春 朝來倦把連娟畫、祇爲着那人清雅。
小旦上
相訪到金閨、誰與通心話。

旦我兩人待返杭州、不意途中傳信、有丘公子設計擺布、只得卜居閭關北濠、小旦姐姐住在此、有

兩樣妙處、一則避難、二則好訪江上兩生、旦你姐

姐也是這個意思、只是沒處問他、通個音信、待等一個幫襯的朋友到來、便知端的、丑上不爭三五

步、咫尺在他家、進見介二旦上姓、丑小子姓韋、表

字子鄰、小名復二、極會幫閒、但凡女客人家的大

老官人、俱是小子領去、二旦既如此說、你可認得

商雪映、倪羽遐兩個相公、丑掩口笑介、不說、便罷、

一說就是認得的、低頭自語介他兩個聞得南京
下來、就到杭州去了、兩個新到的女客、認得什麼、
待我尋兩個來、混他一混、向二旦云你每可曾見
他、二旦見是見他、只是月落的時節、又在江中、沒
有燈火、別時又是五更、不甚親切、丑笑介出得價
錢起、我就替你尋來、二旦笑介你要什麼、丑我要
一件海青的銀子、二旦就送在此、丑笑收介我就
去、二旦

六么令 煩伊轉達、江上相逢、腸斷琵琶、從今不泛武

林槎特棲此訪伊家。
合快來休使人牽掛、快來休使
人牽掛、

好姐姐。
丑小韋生平任俠、領尊命、非同閒耍、從今暫
別、便將音信達。
合休縈掛、管繫紫騮垂楊下、好辦殺
漿款待咱。

殷勤囑付意偏深、
隨向才郎寄好音、
但願應時還得見、
須知勝似岳陽金、

第四折

大河蟹

淨小淨上笑我生來慣捱闕、清早裡便醜醜、

弄得金珠逐漸少，看看取厭，走到平康甚無聊。

淨自家姓姜名暢，人號我姜高興。**小淨**區區姓皮名冉，做人極好，號爲皮沒查。**淨**只因我兩人姓名

欠雅，所以蘇州府一州七縣內，走到女客人家，反認做別處，每每欺生受累，得緊。**小淨**便是，非但姓字欠雅，我們的氣品原不敢勞。**淨**不難及，今把氣質放冠冕些，且哄這些女客上手，有何不可。**小淨**有理，如今就演一演，你先扮進門光景，我便答應。

淨使得，做偏袖進步高聲介：燒湯的。**小淨**啐。**淨**一

娘可在家裡、小淨不在家、淨回身介、既不在家裏、我且去、一娘回來、你千萬話聲、前日打攪了、還要差人送棉布來謝、小淨掩口指淨跳笑介、阿呀、使布的本相、又露了、丑上人無利己、誰肯早起、做喃喃自語介、淨從背後扯帽、小淨跌丑介、丑起拾帽、揖介、呀、原來是姜大老官人、皮大老官人、二淨韋四、你一路來、嘴裡自言自語、說什麼、丑實不相瞞、有兩位女客、住在杭州、異樣標致、前日在南京下來、江船上火、也沒有了、朦朧殘月之下、會着商雪

映倪羽遐兩個，正說得相投，天還未亮，就被船上催別了，面孔都認不真切，如今那兩個女客，託我尋來一會，他兩個又在京中下來，倒往杭州散悶去了，那裡還他兩個便好。

二淨：我們權扮了二人，混他一混，何如？

丑：只要出得價錢，我便幫襯幫襯。

淨：自當重謝。

小淨：咦，只怕哄我們，方才說女客是杭州人，在南京下來，自然歸去了，怎的逗留在此？

丑：有緣故，途中遇着親眷，傳說那邊有丘公子，算計他，所以住在此。一則避難，一則尋訪兩人。

二淨

既如此，快去。行介丑此間已是。叩門介小淨拽淨
介放冠冕些淨首肯介旦上

天下樂 垂柳疎疎瘦舞腰。滿簾秋意早蕭條。小旦上
綠窻驚夢巫山杳。翠閣凝眸漢水遙。

相見介淨久慕大名，未得一面。丑扯小淨說差了。
小淨扯淨低語江中暫會，日夜相思。二旦低語扯
丑那里來這兩個東西。丑阿呀，怎的不認得了。就
是江船上相會的商雪映倪羽遐相公。二旦又看
二淨向丑介啐，難道是這兩個蠢東西。丑若是假

奇險之
誣却是
寔事

的小人卒死。二淨請坐。二旦坐介。二淨向丑低語。
丑喚丫鬟分付擺酒介。二旦向丑云。我們不得工
夫。丑你叫我約來。怎的是這等。二旦啐。不是這兩
個。丑難道人也假得的。二淨大哭介。二旦這怎麼
說。二淨我每真心要討他。爲妾不覺兩淚交流。丑
笑云。是少不得的。但覺驟了些兒。二淨我寧可哭
在前了。二旦兩位畢竟上姓。二淨舊相知了。如何
又問。二旦笑介。二淨

一封書

沉檀裊。畫閣燦。熒熒寶炬燒。二旦愁容私語

叫了鬟下丑大老官人你聽聲氣逼脆好像兩隻鶯
叫淨雙鶯叫絮叨小鬟每答應嬌小淨向丑夜飯且
從容待我們擲完了花園令丑應介二淨分付華筵
開莫早還向花氈賽六么丑兩位姑娘不耐煩都進
去了不如收了色盆喫酒罷二淨使得這良宵慢喧
囂曲意琴心且細挑

將酒過來衆有酒做飲酒介請兩位姑娘出來丑
下復上就來了二旦上二淨請坐

羽調排歌纔罷擣蒲浮白興高觴籌滿座紛交猜拳

殺將逞雄豪。對飲齊乾不暫饒。

旦出席向小旦云。哄、

他催花擊鼓弄他爛醉便了。

小旦

一面差人去請柳

麻子說書混帳到天明罷了。

旦有理花急遞鼓亂敲。

弄他喫得醉陶陶。

小旦

說詞話間戲嘲管教胡亂過

今宵。

二旦入席介催花擊鼓何如。

二淨妙。

內擊鼓。

二淨

停花二旦罰飲介外上。

全憑三寸舌賺盡四方財。

相見介二旦這是柳先生極說的好書。

二淨請教。

外說書介二淨先生請些酒什麼過酒。

外小子不

要別味、素性止愛蟹螯、私將草紙包介丑作偷下
二旦說完了下回、外又說介丑暗上、外作起身尋
蟹螯不見介、頃、扯丑云、兩個蟹螯、是你偷了、快些
還我、丑作急狀介、我幾曾拏你的、外我見你在桌
邊影一影、怎的不是你、嚷介二淨二旦怎的鬧起
來、外

掉角兒序

我適纔包得蟹螯、那無賴動輒偷盜、二淨

還了他罷、二旦笑介、藏在那里去了、丑我脫開襪、翰
袴腰、但憑伊滿身搜到、外搜介丑呀、老柳、事體甚小、

學生豈是這樣人。外可笑你精油嘴、假清標、真窮相、怎做幫關。丑鬼魂鬧炒、支離絮叨。外噯、是了、方才你曾出去一次、多應是偷忙閃去、奉承家小。

作趕上介。二淨。二旦拉勸介。外既承大老官人解勸、小子倒告別了。指丑。丑云常將冷眼觀螃蟹、看你橫行得幾時。怒下。二淨向二旦兩位姑娘睡了罷。

旦天色漸明、不睡了。小旦今日是十五日、我每要往水仙廟燒香、去你却忘了。旦呀、正是快梳洗去。

尾霎時間天明了、粧臺同整翠雲翹、好把神前香愿

消、

燈影淡銀缸、

雞聲亂曉窻、

懽呼嫌夜短、

寂寞恨更長、

第五折

臨江梅

生上

臨江仙

願貂敝。羞看人面冷。餘杭暫且

消停、

小生上

一剪梅

摧殘不減舊風情。花月堪評。山

水堪盟。

生 倪兄，我與你牢騷無那。扁舟浪遊，來此餘杭，一

則攬湖山之勝，一則尋訪雙鶯。小生攬勝尚緩，還

是先訪雙鶯，若得載之同遊，一發妙了。生有理，就此步到三元坊口，一問便知。家僮前去尚遠，不如騎馬去罷。二生看駿馬來，家僮馬在此，遞鞭介二

生作騎介。生：我們且漫漫的傍了垂楊，一路訪去。

同唱

懶畫眉 緩控青驄傍花行。看遍紅樓不記名。粉牆斜處響琤琤。暫且停驂聽聽介。那里是前宵江上聲。

生：小廝問一聲，這里張媽媽家，有兩位姑娘，名喚雙鶯，不知那一家就是。家僮應下急上指介：這家

高樓大院，是他舊房子，有丘老爺接他兩個姑娘，竟不赴席，竟到南京去了，如今丘爺要算計他，却往蘇州，不在此了。

二生有這等奇事，我每特來訪他，他却往蘇州了。

小生這所庭院，是他舊居，我每客况無聊，不如進去買醉一場也。見訪雙鶯的意。

思。生想有村姬出來迎接，舞勾歌引，這可厭光景。

怎生打熬。

小生我每自取其樂，喫到爛醉，田地賞些纏頭，就別去了。管他什麼。

生有理，小廝叩門，衆應叩介。

小淨丑粧二妓上。

秋夜月口內鯉。費盡香茶餅。撇脚歪臀難平正。濃脂厚粉難勻淨。鎮黃昏站等。見人來扯定。

相見介小淨上姓。生商。丑相公呢。小生倪。小淨失敬了。二生這所庭院倒好。小淨不敢。小生就是雙鶯舊居麼。丑然也。生我每到裡邊去認認。小淨使得。小生好所在。丑將就坐介。二生小廝。天色已晚。快看酒來。衆應。小淨向丑做東道了。我每親到厨下去分付。下二生。

梁州第七
綠窻葉暗翠。簾花暝。樹杪棲鴉初定。黃昏

僧醉道
懶須要
看他一
種酒色
自煠處
有無限
牢落在

時候憑闌爭待月。明早又是薰籠浮篆茗。梳流香寶
炬。搖紅影。殘棋敲倦掩楸枰。忽聽屏前擁笑聲。傳語
道。宴排整。

小淨丑上我每奏樂相公飲酒何如二生將酒過
來衆有酒二生

前腔換頭畢崩崩拊瑟彈箏。嘶琅琅吹篴擊磬。亂嘈
嘈幾部濫響淫聲。最可惜臺留仙去曲。是人非枉盼。
青鸞影欲尋歡笑。解離情可奈當筵少。二鶯愁害了。
宋玉病。

雙鶯

小淨丑 月起了，二生 唉、

節節高 冰輪覷轉明，悄傷情。記前宵野渡人初靜，嬌聲應笑臉迎香鬢。並明月明月多虧你做姻緣，證如何此際偏孤另。
合 猶向尊前照，**醜** 莫非笑我多薄倖。

小淨丑 兩位相公，請酒便好，如何只管嗟嘆。
二生 你每那里曉得。

前腔 沉吟恨轉生，醉還醒。小淨丑 斟酒介 拚將萬斛流霞罄。
小淨丑 丫鬟再整些餚饌來。
二生 不消了，筵

休整。小淨再舞一回何如。二生舞暫停。丑再唱隻罷。

二生歌索定。小淨丑却是爲何。二生夢魂落向秋江。

冷。須教厭此繁華境。不如搗鼓一番倒也。燥脾。小淨

丑小的每把花框羯鼓大搗一套。內應搗鼓介。二生

羯鼓聲聲鬧。秦樓兔聽玉漏。秋宵永。

我每酒已多了。就別去罷。欲走介。小淨丑拖介。夜

深人靜。往那里去。自然歇在這里。小廝快擔脚水

來。內應。二生還有要事。忘了。一定要去。小廝送禮

進去。衆送過了。二生

尾聲纏頭十萬何足吝。管醅醕霎時遣情。小廝備馬來騎馬介還控青驄出錦城。

下小淨怒介好端端兩個闕客，被你惱了去。丑做鬼臉介是你不會勾搭，連我的孤老都送湯了，倒埋怨我。小淨這兩個人不闕，我也是闕典。丑我每唱一隻掛枝兒，散散悶，進去睡了罷。同唱介掛枝兒。這兩人也忒煞無恩義，進門來喫了東西，我只道洗洗腳，便同床睡。誰料是無緣分，快馬去如飛。只願得天報他的欺心也，跌在水潭裏。

第六折

金籠聰

旦上

魂銷江上友、誰知誤聽胡謔、空牖絮、強

綢繆

小旦上

腰肢如柳瘦、驚看束帶痕收、還愁照兩

眉頭

旦

妹妹、兩日被那兩個厭東西、粧做江上兩生、混

帳得好不耐煩、

小旦

這都是那個韋四、新出來做

篋片、胡言亂道、一些也不在行、不搗趣、

旦

待他來

時、搶白他一場、

丑上

玉井蓮後

步到紅樓、趲些閒茶便酒、

相見拱手介旦韋四你騙得我每好不知那里尋
兩個蓋各來假做商倪兩生抵死纏擾又是我每
脫得他好不然幾乎被人做笑話丑又來夢了難
道人也假得的小旦恐怕你還不認得真的哩丑
你是認得的怎麼又央我去尋生上

秋藥香 誤往餘杭迤逗喜江風送我歸舟小生上兩
地相思巧相邁今夜裡同開笑口

進見介二旦這便是商相公倪相公二生特來相
訪以踐前盟丑欲避下二旦韋四且不要去向二

生介可認得這個人、二生細看介從無一面、二旦
他說是與相公最相知、奴家便勞他請來一會、他
却尋了兩個蠢才、假扮兩位相公、在此纏擾、我每
不接待他、雖則去了、那韋四說還要降些禍來、相
公政來得好、丑一派騷談、不可盡信、二生怒介、
這光棍好可惡、叫小廝打他出去、衆應打介丑咳、
縱教傾盡西江水、難洗今朝滿面羞、下二旦相公
請坐、二生曾記得前夜否、生

江頭金桂、五馬江兒水、記那晚奇緣輻輳、同浮江上

舟。小生只聽得蒹葭野渡。細轉鶯喉。頓將人魂暗勾。

旦柳搖金。祗因短韻閒酬。不覺的情旨微漏。小旦政

值那月墜燈銷時候。好待綢繆。誰知片時別淚流。生

桂枝香。怪無端邂逅。空餘傷憊。小生還向武林遊。空

從翠館相尋問。伊却在金閨悄逗留。

二旦呀。兩位相公。倒往我每那里去來。二生前夜

江中。原約到武林三元坊相訪。誰知賢妹却在我

每這里。也是姻緣巧湊處。二旦我每移家在此的

緣故。相公想是還不曉得。二生略知一二。閨貴處

江頭金
桂一曲

極是宛

轉悠揚

而後曲

襯楚常

苦不叶

茲勑成

江五棹

正出一

律妙絕

妙絕

有什麼不知趣的、要尋你家的事、故此南京下來、
竟不到杭州、就住在這裡、二旦怎麼甚知其細、二
生也是到了貴處、訪得此信、

江五棹

江見水

江上輕分袂

生也不曾回去了

旦忘

歸舊酒樓、移家濠水、將伊候、小旦芳、訊爭如鱗鴻、謬

小生倒被別人賺了、

小旦幽情肯被蜂蝶誘、祇恨佳

期迤逗

生五供養尾

今日裡纔相會、喜難收、只疑身

在夢中遊

小生川撥棹

且凝神看笑眸、辦銷魂、聽妙

謳

雙鶯

三

僥僥令良緣天遣就。樂事我全收。可怪西風頻催漏。
却不道羅幃語正咬。

尾聲笑盈盈。慢解珊瑚扣。鴛衾內麝蘭香透。咭叮噹。
響動銀鈎。

何處飛來錦繡叢。新歡舊愛兩無窮。

今宵賸把銀缸照。猶恐相逢似夢中。

第七折

逃紅樓老旦菊蕊新秋暮霜楓景晷饒日影射紅染

林臯小入來載酒餘艤慢尋懽笑溪山儿知己好相

幼蘭設
酒相賀
光景甚
趣填詞
之妙又
不必言

邀。

奴家馮玉貞，字幼蘭，才高翠館，轟江左之詞人，聲重金閫，集海內之名士，雖不敢過自誇詡，真個是談笑有鴻儒，往來無白丁，這也不在話下。今日因張家雙鶯，遇着商倪兩君，難得他佳人才子，聚成一塊，奴家買舟載酒，賀他也是。一場勝遊，侍兒輩整頓歌舞，待他每到時，即便演奏。內應介生上。

菊花新 青鸞致柬忽相招。旦携得雙鶯上小舫。小生
環珮恁飄蕭。小旦人集處，異香圍繞。

齊作上船相見介老旦月渡奇逢信是三生夙遣

金閨巧合尤誇兩對良緣生得此殊艷相憐小生

已、慙、求、凰、之、願、旦幸爾名流辱愛實深倚玉之慚

老旦載酒山塘爲慶鶯花爭勝生日買舟濠水小

生小旦還憑風月主盟老旦將酒過來雜應有酒

老旦作送酒介同唱

泣顏回 秋水蕩蘭橈滿載名花圍繞蜂黃蝶粉宮粧

點得輕巧同心髻小却月梁慢把烏雲爪賸葳蕤羽

佩花鈿偏妍麗錦徽珠襖

前腔 今朝何幸聚多嬌。偏稱是粉面烏紗年少。記歌
娘子與周郎眉語目笑。風光趣好。向芳晨共把金尊
倒。快逍遙。水秀山明。謾嗟呀。鶯老花凋。

千秋歲 興偏豪。勝景都遊到。羨賞心樂事多少。楊柳
堤邊。楊柳堤邊。只聽得紫駟聲聲頻叫。輕車後香塵
開。紅樓上沉煙繞。是處逢花鳥。這詩魔酒債甚日勾
銷。

越恁好 豔哇逸響。豔哇逸響。更仙郎倚鳳簫。慢操着
錦瑟。纖指動細音裊。抱箜篌。緩調抱箜篌。緩調將鐵

撥兒向玉環引調最高舞。迴波柘枝轉。翩翩旋墮翠。
翹花榷鼓。取次敲寶炬。燒殘了。鎮悅眸快耳。鼎沸懽
笑。

紅繡鞋名姬韻士飄蕭。飄蕭歌壇舞社妖嬈。妖嬈携
素手。搜纖腰。頻進酒。屢添膏。從教失夜忘朝。忘朝。

意不盡記菰蘆野渡逢雙妙。可奈離情懊惱。今日裏
重諧舊好。跬步追隨肯暫拋。做上岸謝別介

畫船簫鼓集金閭。次第呼杯夜未央。

縱使百年終日醉。也只三萬六千場。

不

伏

老

盛明雜劇

北海馮氏編

玉汝丁必成

西湖

閱

棚菴居士評

仕元馮士鰲

不伏老

王從善自負青春小

劉賢良開尊延舊好

正目

賈希德下第送長亭

梁狀元一世不伏老

第一折

末扮梁顥上 天上碧桃和露種、日邊紅杏倚雲栽、

芙蓉生在秋江上、莫向東風怨未開、老夫姓梁名

不伏老

顥字太素、本貫東平郡人也、自幼讀了萬卷詩書、頗有奇志、早領本省鄉薦、屢試春闈不第、不覺雙鬢皤然、年華高邁、妻子朋友們、常勸我選了官罷、我想讀一場書、怎肯做那半截的前程、却不負了平生之志、方今大宋皇帝卽位、改元太平興國、五年、偃武修文、廣開賢路、况當大比之期、天下英才、輻輳響應而來、念我老夫、這一點未了的心事、丟他不下、不免上京取應一遭、前到長安街旅館安下、今昔在念、好傷感人也、

賞花時五十年前此舊遊。碧樹依然遶御溝。繫馬攬
征裘。英雄未偶。又上翠微樓。

么太液清波日夜流。照見書生兩鬢秋。無計占龍頭。
且尋春。沽酒半醉看吳鉤。

既然將琴劍書箱安下了，不免到文場前面探消息。看條約走一遭去。早來到場門前了也。呀。看這規模修理的。比往年增了多少氣象。那壁廂掛着的。是告示也。看介。看這條約。開寫得比往年又加十分詳細。是好整齊嚴肅也。呵。只見規模宏大法。

不伏老

度森嚴、明遠樓、高出廣寒宮、至公堂、壓倒森羅殿、
天字號、地字號、密匝匝、擺列着數千百號、東文場、
西文場、齊截截、分定了一二三場、南卷中卷北卷、
都則是策論經書、易經書經詩經、更兼那春秋禮
記、知貢舉、乃本部尚書、都總裁、是當朝宰相、考試
官、監試官、提調官、印卷官、也有那巡綽監門官、多
官守法、彌封所、對讀所、謄錄所、又有那收掌試卷
所、各所奉公、四邊廂往來擊柝、一周遭晝夜提鈴、
往來擊柝、只見那窮光棍、閉着眼、敲木皮、一下下

此棘園賦也當與琵琶前賦並傳

道怕怕他怕怕他。晝夜提鈴。只見他。礮油花背。着
手搖鐵片。一聲聲。道定定。鐸定定。鐸高挑着。竿上
燈裡千盞。外千盞。明晃晃。紅蕩蕩。都做了。火天火。
地緊挨着。天下士。前一層。後一層。喘吁吁。鬧炒炒。
都做了。人海人山。進了門。耳邊。喝一聲。仔細搜。
則被他。捏捏挪挪。搜檢那袖兒裡。排筵過了。胸頭。
直上。喊幾陣。上緊寫。則被他。擊擊聒聒。比併得。眼。
兒中。灼火雞。鳴照號。張的張。李的李。恰叙了三言。
兩語。都道。長兄。見教。見教。日出散題。你是你。我是

我纔問了一字半句。只說小弟不知不知。英雄入
穀。蝦腰曲脊。緊靠着四扇板兒。衛士傳餐。側耳聽
聲。單等那三通梆子。半生不熟乾飯團。這的是太
倉多年老米。連泥帶土。托腮骨。元來是天津道地
乾魚放下的。你一雙。我一雙。隔年陳。那討一個兒
可口饅頭。端着的。東半碗。西半碗。腥泔水。却有幾
點兒。連毛湯料。一個家喪氣消魂。不是病。不是痛。
可又早皮裡抽肉。一個家搜腸刮肚。不知饑。不知
渴。只覺得口內生烟。有一般光紗帽。無展翅。擗眉。

睜眼打扮的似抹額鍾馗。有一般破頭巾。油手帕。
連耳帶腮。包裹的似纏頭回子。有一般亨亨亨呀。
呀呀扭不來捏不出撇弄的。魂靈兒虛飄飄在九
霄雲外。有一般雙雙雙察察察寫不停煞不住丟
答的筆尖兒滴溜溜在八面風中。有一般光輝明
潤一字字猶如老蚌生珠。有一般巧思精工。一篇
篇恰似春蠶作繭。有一般速才的心應手手應心。
霎時間只待爭先賭快。有一般熬場的夜到明明
到夜。一心裡都要取勝奪魁。只聽得畫鼓連聲發

罷捕乍乍、蓼蓼、一更打作二更、二更打作三、
更、又聽的雲牌亂響、撞了鐘、丁丁、當當、三點、
打作四點、四點打作五點、都只是虛張聲勢、止不、
過故意窮忙、虛張聲勢、把俺平生學問、逼勒在風、
聲寸晷之前、故意窮忙、把俺蓋世功名、出脫在片、
紙隻字之上。神人共助、大道爲公、子俺這一張字、
紙、斯琅琅擲地金聲、單聽那三級龍門、刮刺刺、震、
天雷響、誰知文章由平己、窮達在天、取舍存乎人、
遲速有命、馬前看錦、非關他眼底、成名籬裡、揀瓜。

單看你祖先積德，喫了封門宴，上馬宴，另有三日
一小宴，五日一大宴，費了禮部錢，京縣錢，還有東
城也使錢，西城也使錢，金華醵，麻姑醵，淮安醵，只
要雙料大醵，醪兒酒，腦兒酒，珠兒酒，都是加味細
酒，油鹽醬醋流水而來，鶩鴨雞豬，貫魚而進，招賢
之禮甚厚，恩典有加，取士之門大開，奔趨恐後，道
猶未了，那壁廂小朋友到來，小生扮王從善上天
地，平如水，龍門日日開，家無讀書子，官從何處來，
小生新科舉人王從善是也，初來會試，准擬連登

料應不落他人之後，正是二三千客裡成事，七十

四人中少年，末小朋友且謾說話，老夫數十年前

到此，也曾決意連登來，連了又連，登了又登，只到

今年，准程等的連登，也恰好等你來做同年者，小

生相見科笑云：好老先生，這話差了，曾聞俗語道：

來，我便是一氣饅頭，你便是生饅頭，難入籠了，末

一氣饅頭，也要兩三次接酵，若是遍數少了，酵水

大些，發破了頭皮，酵水小些，又無生發，都做了死

疙疸也，怎得好饅頭來，生且不說這話，自古道科

發少年。不曾說科發老年。末聞說大器晚成。不聞
大器早成。生嫦娥愛少年乎。愛老年乎。末龍頭屬
老成乎。屬後生乎。豈不聞人有三不幸。少年登高
科。一不幸。襲父兄之勢。爲美官。二不幸。高才能文
章。三不幸。天下有達尊三。爵一齒一德一。惡得以
一不幸而慢二。尊達哉。生不敢。不敢。知罪。知罪。末

仙呂點絳脣 文運天開。奎光呈彩。英風邁。學貫三才。
姓字香千載。

四下裡衆朋友來也。衆相見科末見了這海內無

不伏老

六

數的豪傑，一時畢聚於此，是好人才之盛也呵。

混江龍

峩冠博帶，巍巍楚楚棟梁材。一個個氣冲牛

斗，一個個胸捲江淮。老夫功名未遂，遨遊四方，然而
進取之志未已，不免今日又到此間。列位少笑，往常
時書劍飄零，遊五嶽，到如今文章光燄透三台。只圖
個長朝玉殿，平步金階，手扶社稷，袖拂塵埃。投至得
丹墀獨對天人策，香飄飄煙含禁柳，影遲遲日轉宮
槐。

生：古人有云，少壯不努力，老大徒傷悲。丈夫功業

當及時建立、以垂不朽。若只蹉跎歲月、流連光景、
難免後時之悲、失時之悔。末笑你說的是那裡話、
你試看麼、末吐氣科生這口氣兒、是也難捨、末
油葫蘆則俺這萬丈虹蜺吐壯懷、包藏着七步才、你
道你日邊紅杏倚雲栽、俺道俺芙蓉高出秋江外、打
熬得千紅萬紫無顏色、終有個頭角改、精神快、都一
般走馬看花來。

生請問老先生鄉舉高科、今來南宮應試第幾遭
了、末笑這小夥子動問之意、不過倚恃他少年英

鏡之氣、笑俺衰老無能爲耳、是何等樣輕薄、

天下樂

休笑俺久困文場老秀才。從來志不衰。你休

得逞聰明賣弄乖。子你那喫米糧。少似俺喫的鹽。子

俺這點燈草。多似你燒的柴。你休將井底蛙窺大海。

我待不說與你。你便看我做個天生下的老子。一

般。老夫是後晉高祖天福二年丁酉科。山東發解、

如今是大宋太平興國五年庚辰科了。我也曾年

少登科。那時節。比你如今。貌還小些兒。比你如

今。志氣還大些兒。只是一生蹭蹬。到如今未遇耳、

那吒令俺也曾小來到如今髮白俺也曾早來到如今不諧俺也曾好來到如今命乖福不齊難強求時不至權耽待端的是天欲老其才。

生老先生飽嘗世味閱人多矣小生安敢賣弄輕薄但以心下有疑不敢不問倘然累舉不第不爲一官半職終身之計爲之奈何**末**豈不聞有志者事竟成使吾此志不堅也等不到如今了也。

鵲踏枝早共晚有安排遲和疾且寬懷終有個運轉時通苦盡甘來有一日步青雲搖搖擺擺位列在九

不伏老

棘三槐。

生老先生見的真守的定說的有道理不覺心服
如今文場門開了我們進場去來末

後庭花

這些時喜龍門日日開。覷真儒早動色。憑着

俺瑚璉深藏器。經綸抱滿懷。題紙散下來了俺子索

磨的墨濃膏的筆飽也不交頭接耳也不口誦心維

文不加點落筆成章且看這一段是如何擅天才。剛

道個唐虞唐虞三代累千言不索猜筆縱橫頭不擡

墨淋漓口不開五車書滿腹揣八斗文隨手來一字

老儒
慧若探
突而出

字龍虎挨一行行錦繡排。

真草俱完、文卷已畢、俺試通篇展開看一遍咱。

青歌兒

呀、滿紙上風雲風雲變態、盡都是英雄英雄氣、槩恰便似百萬精兵大會垓、劍戟相挨、金鼓齊篩、決戰明白、勝負分開、子俺這筆尖兒、奪得錦標來、真堪愛。

我將這一通文卷、交在至公堂上、領了籤票出場
去來、遇生相見、科、生、老先生恭喜得意、末、彼此喜
也、生、佳作請教、末、云、你先念、生、云、你先念、末、略念

科生歎息誠然老作家誠然老作家好筆仗大學
問深意味是也不肯干休是也不肯賤賣了頭場
如此二三場但如破竹之勢耳由此而狀元及第
又何難哉正是清夜夢中迷眼處朱衣暗裡點頭
時末多承嘉獎亦不免有過望僥倖之意若到那
得手之時呵

寄生草斗來大黃金印天般高白玉塔那其間兩班
文武齊陪待博得的五花誥勅褒先代不在了一生
勤苦多寧耐常言道科發少年郎俺如今耐志了春

秋邁。

賺煞贏得片時功。償却平生債。管取俺名揚四海。推過了雪案螢窗。氣運垂。也有個出處興衰。生今日纔了得一場。且回旅館休息。以待後日鏖戰幾時。等得三場俱畢。放榜也呵。**末笑**。小夥子沒鏖頭。却早慌了。你忙他怎的。念吾儕磊落胸懷。歎身在長安都是客。乞求的曲江宴早排。上林花早開。眼見的九重春色自天來。

第二折

不伏老

十

末上一顧成周力有餘、白雲閒釣五溪魚、中原莫道無麟鳳、自是皇家結網疎、老夫進罷三場、頗覺得意、儘有幾分妄想、不期又是下第、免不得仍作歸計、以圖後舉、書童何在、急收拾行李者、俛扮書童上此去好憑三寸舌、再來不值一文錢、相公又不曾中得會試、又不選官、喚我收拾行李、我也不答應他、末叫科尋見罵打介、俛我從光着頭兒、跟隨會試、如今作了老蒼頭、不曾掙得一些甚的、望相公如今做了一官半職、我掙些打狗的錢兒、尋

一房家小，做幾件衣服，打扮的齊齊整整，再來，跟隨會試，却不是好。末既做了官，怎得又來會試，休得胡說，快收拾行李，我饒你一頓打。俅你收拾，我不收拾，這頂老頭巾，我收拾得，不耐煩了，他也怕了，我我也怕了他。末怒打科。俅我也不怕打，只怕一件事。末云你怕甚麼。俅云只怕你中了進士做官之時，我也老的掙不得錢，娶不得家，小了也。末云胡說，今科且回家去，來科中不中，選了官罷。俅你哄的人也多遭了，我不信，我不信。末喝胡說。

雙調新水令 又東風一夜滿皇都。俵這風刮了，到有
十來場了。每年向家來，就是頂頭風。一世改不了，造
物低也。末喚千門曉，鶯低度。俵不虧他喚醒來，呵，借
和相公還作夢裡。末禁煙蒸御柳花，氣煖屠蘇春色。
平鋪認不定看花處。

俵春也一般春，花也一般花，只是老人家無分福
了。且是眼花花的，怎生去看的。真實末。

駢馬聽行李蕭疎，腰佩着三尺青萍玉，轆轤英雄濟
楚手，揮着五花彤管錦模糊。俵雖然是錦片的文章。

只是模糊了些兒。試官却怎生看的明白。**末**大家依樣畫葫蘆。幾回就裡嘗甘苦。**俵**罷了罷了。你畫的走了樣子了。**末**挨不上青雲路。升沉一任天分付。

鴈兒落

我則待銷繳了丹泥北闕書。發遣了紫玉山

中兔。**俵**正該正該。**末**辭離了黃金郭隗臺。改抹了錦繡相如賦。

俵正好正好。改抹了也是件事。只是如今遲了幾年了。我前日尋思這事。如同望梅止渴。必然難成。不如早行幾程路兒。却還與人喫酒游湖。濟得甚

不伏老

十一

事如今又少不得走也末

得勝令 呀這幾日呼友換春服常則是沽酒醉春湖

想像着曲水承恩宴翻騰做陽關悵別圖登途打疊

起青雲步書童將馬過來俵馬在此末歸歟摩挲着

款段駒

書童尋宿去處認着那舊主人家晚間好與他閑

叙話兒解我悶懷俵走的遍數多了歲月既久物

是人非那得舊主人來末

沉醉東風 歎經行多非舊主俵走了這幾日還看不

見家南山在那裡、幾時方得到家也。**末**遠遠的望見
東北上、霧騰騰的、下面就是南山頂兒、望煙霞笑指
吾廬。一遭兒水遶合、四下裡山圍住、緊拴裝畫裡樵
漁。爛煮黃精、旋打魚、到大來身安意足。

俵喜介到山中煮着黃精、打着魚兒、受用過日月
罷、**末**也是不來這路兒上走了。**末**

折桂令俺是個海邊頭識字田夫、家住康衢、世際唐
虞、民樂時雍、犬無迎吠、吏不追呼、過幾個太平年、儘
強如應舉。**俵**你家裡過年便了、誰請你來。**末**唱幾曲。

不伏老

太平歌也。當了傳臚。俵略差些兒。每常唱歌。又只是當不的甚麼。末鳥弄笙竽。俵有了吹笙的。却也風流。末泉噴瓊珠。俵有了珍珠。倒也富貴。且拏幾個來換酒喫。末這的是富貴風流。做盡了方丈蓬壺。

離亭宴歇拍煞。當時不合無憑據。癡心也向長安去。

俵今後要學些精細。再記着不來。就是了。末空勞病

軀。輕撇下懶雲窩。冷丟了青竹杖。俵不丟了他呵。拄

着入場也不好看相。席舍裡面也無着落他處。末生

趕上紅塵路。山林氣不羣。今古時難遇。何須歎吁。身

不到鳳凰池。名不登龍虎榜。誓不改驂騑步。俸恰才
道改了正好。又是不改。却是怎麼。看來每年。不得手。
正坐此病。朝廷放的扣兒大大的。也難着網。却被這
頂老頭巾。悞了一世也。末非干皇網疎。不是儒冠悞。
打不過時乖運阻。擯斷着百巧百窮身。整受了三日
三夜苦。

俸若是算個明帳。前後也勾三個月了。

第三折

末上無媒徑路草蕭蕭。自古雲林遠市朝。公道世

間惟白髮、貴人頭上不曾饒、老夫自上年下第回
來、不覺又是一年、青春易邁、白首無成、獨坐無聊、
老懷難遣、友人劉孟節、與我爲忘年之交、數年前
曾因秋風涼月、相訪此人於西田別業、儘有高雅
風致、我想來今日這般孤悶、還去再訪一遭、共話
此懷、却不是好、副末扮劉孟節上芳草和煙煖、更
青閒門要路一時生、年年檢點人間事、惟有春風
不世情、小生劉槩是也、家世耕讀爲業、昔年曾以
春秋魁東省、至今八上春官不第、未肯廢學、同時

之人升沈異趣、大半凋落、止有老友梁太素、隱居
南山之麓、不屑小就、正與小生氣味相投、許時未
曾面晤、彼此神交、今夕形諸夢寐、想有書柬來也、
末上敲門科、副末開門相見、拍手歡笑云、剛纔一
句話說未了、老先生恰好來也、末同到田野中遊
玩一遭、是好春氣也呵、

商調集賢賓二十年斷金同志友、今日裡共追遊、正

東皇三春晴晝、望西田萬頃平疇、剛道個惜芳菲落
盡還開、却怎生歎韶華去也難留、動不動忽地春來、

不伊老

忽地秋。是不是。白了人頭。折倒的馮唐容易老。宋玉許多愁。

副末

小庄荒僻。焉敢遠勞杖履。不勝欣幸。

末

逍遙樂

融和時候。燕整新巢。鶯呼舊友。因此上對景

尋幽向春山。無伴相求。大地平鋪草色。柔踏遍了庄前。撞後見了些白雲舒卷。紅雨繽紛。碧水交流。

金菊香

一行飛鷺野塘幽。三月啼鴉遠樹稠。幾家牧

犢荒山瘦。望斷滄洲。開口笑豁吟眸。

惜葫蘆

戀則戀富春澤。七里灘。喜則喜柴桑村。五株

山林田

野甚色

霏微其

桐川園

耶朝川

味耶何

詩中有

畫畫甲

有詩也

柳。副末 老先生下顧，有何見教？末 爲則爲陳雷膠漆

意綢繆。副末 老先生素稱有修五鳳樓手段，今其時

矣，何故高蹈遠引？末 說則說老手能修五鳳樓，怕則

怕遭逢不偶，衛青不敗由天幸，李廣無功緣數奇，如

今也論不得好手段了，末 恨則恨飛將軍白首未封

侯。

副末 久聞寶庄山明水秀，遠勝此地，今日之游，殊

無足觀，請回茅舍，休息如何？末 彼此俱有好處，

么 您這裡傍疎籬，列衆芳，俺那裡繞清泉，栽萬竹，你

不伏老

十六

這裡白雲流水兩悠悠。俺那裡摩天峻嶺當窻牖。你這裡野花如繡。俺那裡綠陰中藏着個釣漁舟。

副末 平田曠野、有何勝槩、且回去罷。
末 儘有可樂處、我說與你聽。

么 一會家訪幽人、琴一囊、一會家寫閒情、詩數首、一會家傷今弔古、過荒丘、一會家浩浩歌仰天、齊拍手、一會家酒瓶兒隨後、一會家扯衣衫滿勸了兩三甌。

副末 前歲重陽、曾蒙過訪、今日上巳、又是佳節、高興所至、必及美景良辰、但媿地主不才、恐孤賞心。

樂事耳。別業清溪環遶，可以流觴。芳草勻鋪，權爲
席地。到此再飲幾杯，以償今日高興。**末**好景致，好
景致，是亦小蘭亭也。將酒來，將酒來。

公則今日宴蘭亭，三月三。憶昔年插黃花，九月九。這
的是無情歲月，不相投。恰才個翠甸芳郊，欣聚首。霎
時間風儼雨慙，把俺這遊春杜甫，打了個倒回頭。

副末風雨來了，快回去罷。**末**醉科副末扶科背歎
息云：可惜老了英雄也。往日此老有百觚之量，今
纔十餘杯，却便醉也。**末**喝云：你鬼念文章，說些甚

真老道

的、我喫你多少酒、便要發話、你說我老呵、我與你較力、說我醉呵、我與你較量。副末此老倔強猶昔、我何曾說你、但說小弟陪不得了、須索勉強奉陪、是這般話、老先生錯聽了、末怒你又說我耳聾、我分明聽的那話、明明白白的、又把這話來支吾我、可見不以至誠相待、抱副末跌打科笑云、你說我老了英雄、却怎麼勝過了、你喚左右、將大杯來、與東家較量、副末丟眼色換杯科、末又怒云、呀、你又說我眼花、你那眼、睫毛、略動些兒、我就看見了、副

是翁
獲鏢哉

末適間野外用的，就是此杯。末大怒云：你好十分小看我。又言我忘事。方纔野外用的是那大口兒直筩兒，平底兒，半斤酒的杯兒。我喫十五杯，俱是十分。你喫了三杯，俱是七分兒。四杯是五分兒。你說我不記的麼。扯住不放，科大呼云：拏那大杯兒來。我與你喫到三更。副末拱手云：小弟真是敬服。敬服。高年耳聰目明，又有記性，不忘筋力不衰。還把酒量來發莽的降我也。罷罷罷。我及不的了。告饒罷。告饒罷。末既然告饒，我且放你去。那十步之

不伏老

十八

外把左眼、撇幾撇、右眼、撇幾撇、再把兩眼、齊撇幾、
撇略略、丟幾個、眼色兒、試我一試、再把我二人、遠、
年、幹的、梯希事、說的、知心話、悄悄說上、幾件事兒、
幾句話兒、試我聽的、記的、麼、
副末走十步試科末

答應科

副末

真是難得、若是命運好呵、誠然中個

狀元不難、但不知福分如何、

末笑云

孟節賢弟、還

是不曾改口、又待說我無福呵、我怎生抱負這般、
天才長享這般壽考、賢弟、我與你說、你也休怪休、
怪、我自來是這等性氣、受不的一點屈、藏不住一

句話說盡了纔是自在。

後庭花

不是俺醉醺醺閑闔口生子怕走張張乾罷
手不能殼撲刺刺龍躍三門浪也圖箇戰騰騰鵬搏
萬里秋。你是也陪不得我了。將大杯來我自飲自釀。
還喫上幾杯。副末酒在此。末這杯方才無有却又出
世了也。志難耐。只落的酒淹衫袖。眼見的紫金魚不
上鉤。小朱衣不點頭。妙文章一筆勾。好才華一鼓休。
響名聲耳後丟。老道學眼不瞅美前程。水上漚熱心
腸。火上油破頭巾。賊不偷窮酸。丁鬼見愁。

豪氣直
上可以
十霄

副末 既然此志不遂，改絃易轍，別圖進取之計，如

何末

青歌兒

呀俺也曾思前思前盼後，又何必迎新迎新。

棄舊還做個嘯傲乾坤第一流，且向這學海書樓筆陣詩疇。錦帶牙軸鐵畫銀鈎，苦志藏修，刻意冥搜，袖手埋頭。側耳凝眸，進則伊周，退則巢由，聖世歌謳，樂土嬉遊。含哺無求，鼓腹何憂，紫府丹丘，白鹿蒼虬，三島十洲，萬載千秋。這其間無老也無愁，便是咱功名就。

副末小庄荒陋、雖無款待、但望流連數日、傾倒懷
抱、小生之願足矣、**末**乘興而來、興盡而返、不勞苦

留、副末扯科末

浪里來、**煞**東君呵、抵死留山人呵、乘興走、悞了我採
芝深入海東頭、假若你酌志了功名得自由、將俺那
小桃源、遙受把你這牙籤三萬一齊丟。

第四折

外扮監試官上、玉帛徵賢下紫宸、魚龍吹浪躍雲

津、休言栢府霜威重、桃李門牆都是春、下官姓滕

名中正、見任監察御史、方今太平興國八年、例該
會試天下舉人、欽奉聖旨下官監試、今日第一場、
這般時節、士子每等候多時了、喚監門官開了門
放進來、淨扮監門官上、領鈞旨、開門科、正末副末
正生進科、淨驚駭介、且住且住、今年科場有些異
事、外有甚事、淨云、怪呀、怪呀、你看那三清下界來
了、外休得胡說、淨兀的不是太上老君到也、我再
看真着呀、那西王母瑤池會來了、兀的不是老壽
星到也、若不是呵、必定是本處土地爺爺來此監

察你我大家、都要秉公守法哩。**末**休得胡說、我是
舉人、**淨**扯住大叫云、我牽住一個詐僞、**末**我怎麼
是詐僞、**淨**你假充舉人、怎麼不是詐僞、**末**怎見得
我是假充、**淨**我也每場監舉、不曾見這樣個舉人、
末你這廝既然積年包攬監舉、我每科來會試、你
却不認得、**淨**我說你是詐僞、你便挾我是積年、你
若真個是正身、也是久慣積年了、請問高壽、**末**虛
度、七十有九、**淨**笑正是一揷青春也、你且去改日
來、**末**今日進頭場、怎道改日來、**淨**云這三場是進

士科、改日另有神童科、那是你的舉場、今日錯問了場也、**末**進科淨推出介、且去且去、明年來罷、**末**着我改日來、尚然等不得、怎麼說明年來、**淨**云、今年、才七十、九、明年、這場屋中、空閑、好擺大筵席、慶八十也、**末**闖進科、淨跪、你將就我罷、今年御史甚是作威福、除打了我、扶同作弊、不打緊、連你也不乾淨、**末**我有甚事、淨、你若是假舉人、他便問你詐僞之罪、**末**若是真的、你却怎了、淨、你若是真的、他見你這模樣、先考試你、對答不來呵、追你白麵一

譚雖緩
擾然不
如此形
容者景
不盡

百斤、菜豆五斗、送供給所公用、才又出你去、末但
放我進去、也沒有他考試我的道理、又那有追白
麵菜豆之說、淨你但說你會試幾十遭了、末你無
意思、查我脚色怎的、我來了十五六次了、淨算來
你進了五十場、那一場、不誑、一斤、麵的、饅頭、半斤、
豆的、粉湯、末就隨你說、那討白麵一百斤、菜豆五
斗、淨云你也是老的胡突了、我不和你算了、你是
久慣、誑騙、無利息的、帳的、末笑云我不知算做本
利停也、淨云似你、這般久戀文場、還該追你、連本、

不伏老

三三

三、哩、快出去、快出去、悞了別人進場、末又闖科外、
放他進來者、相見科外、看他舉動、豈有假充之說、
只是老了、末你便是老了、外我的年紀、比你小兩
三倍、怎道我老了、末雖然年小、却被老皮、暴殺你、
了、我雖年長、便強過你也、語云、苟有良田、何憂晚
歲、小生積學有待、壯志未酬、如不見信、請老先生
面試經史、過目成誦、口占詞賦、叉手成章、頃刻命
題、援筆立就、淨你這般年紀、自稱小生、他那樣英
妙、到是老先生、真是錯亂錯亂、醜看醜看、外胡說、

看來此老言談，一定是個大抱負的，但此非面試之時，准你進號房聽題去罷。末云肉眼不知天下士，至今猶作等閒看。下正生扮賈同上。遠客悠悠任病身，誰家池上又逢春。明朝各自東西去。此地看花是別人。小生姓賈名同，字希德，齊郡臨淄人也。今歲來京會試，與老友梁太素、劉孟節常同出入。不料三人俱不遂意，兩兄留京，欲要選官出身，也了一場事罷了。奈吾心事不定，况是身體欠安，不免支持回家，再作計較。遠遠看見梁老兄來了。

不伏老

三

正末上天涯方歎異鄉身。又向天涯別故人。明日、
五更孤店月。醉醒何處各沾巾。老夫又來塲中、枉
走一遭、欲再回家、有何面目見山東父老、罷罷罷、
只得在京守選了罷、縱然選官不成也、決不肯回、
去、就在京邸溫習經史、過此三年、却也免得家累、
人事之擾、今日契友希德、亦失意東歸、曾與孟節
相期、來送於南郊之外、十里長亭、敢待來也、副末
上君去春山誰共遊。鳥啼花落、水空流。如今送別
臨溪水。他日相思、來水頭。小生劉槃是也、欲與梁

老先生同送希德出京相別呀，却都先到了。相見
科副末恕遲恕遲。生承愛承愛。正末今日客中無
物，可以送別，惟願長途自愛而已。正是貧交此別
無他贈，惟有青山遠送君。

正宮端正好。短征衫長亭道。紅塵染兩鬢蕭騷。一肩
行李斜陽照。幾度傷懷抱。

念吾三人數十年間，常同筆硯，到今老大無一能
伸志者，是好歎人也呵。

滾繡毬數十年貧賤交。兩三個湖海豪。但相逢仰天

不伏老

二五

長嘯乍離別。撫景無聊。飄蓬匝地飛。飛花逐水飄。亂紛紛眼前零落。急穰穰心下煎熬。再來不上三都賦。此去休過萬里橋。堪嘆吾曹。

叨叨令

見不上山遙水遙。走了些奔奔波波的道。捱

不過緣薄命薄。撇了些淒淒涼涼的窖。賭不得才高道高。惹了些嘻嘻哈哈的笑。免不得魂勞夢勞。睡了些昏昏沉沉的覺。兀的不悶殺人也麼歌。兀的不惱煞人也麼歌。總不如胡學亂學。儻了些堆堆積積的

鈔。

錢神有用。花無用。

副末 既然長行，不必遲疑，悞了路兒。**末**

脫布衫 意沉吟，悵望南郊。步遲疑，轉過東臯。感明時君恩未報，念高堂幾時榮耀。

小梁州 到如今，百事無成，兩淚拋。壯志頻銷，功名久矣。困時髦，空焦燥，仰負聖明朝。

生 不因病軀，小生也索選了官罷。看來青雲路上，到底無分也。**末** 也不消如此說話。

么 儘教霧隱南山豹，任泥蟠東海潛蛟。有時節出深林，離幽壑，風雲會了。聳頭角，顯皮毛。

不伏老

三五

上小樓 有如今英雄未老、行藏難料、實指望千載奇逢、萬里封侯、一品隨朝、銅柱標、金甌罩、姓揚名耀、不在苦心人、竭忠盡孝、

副末 常言送君千里、終須一別、少得留戀、**末** 再少叙片時者、

么 訴交情分手難、望家鄉去路遙、只落得離思綿綿、舉目淒淒、回首迢迢、枉徒勞、這幾遭全無消耗、又不
知甚時節龍門一躍、

滿庭芳 芊芊芳草、王孫歸去、綠映征袍、錦城不似家、

鄉樂。且遠塵囂。喜飛騰時不湊巧。怕藏修數豈能逃。
常言道高官大爵無福也難消。

副末 小生有貂裘雖敝。猶可行邊換酒。聊解悶懷。
敬以此爲贈。生不受科。正末 老夫所佩刀。古之吳
鉤也。解以贈君。此去雖非壯遊。且以爲館伴之助。
願勿却耳。生辭謝科。末

朝天子

紫貂寶刀。提起來都不要。腰纏一股皂絲絛。

頭頂多情帽。駟馬香車。花藤彩轎。畏途中難自保。寂
寥苦熬。終有個時來到。

不伏老

俺二人已是在此也。省得家中激惱生氣，希德賢弟，比及到家，怎生喫受也呵。

耍孩兒 草堂前猛聽的靈禽噪。不移時先生到了。佳人忙整翠雲翹。肯分的對臉兒迎着。莫不是看花到處誇三日。莫不是衣錦還鄉騙一遭。低低語罷微微笑。誰想他語中帶刺。笑裡藏刀。

此時他那裡做了酒兒，設下香案，深深祝願，仰着面兒專候捷音，敢待來也。

七煞 甕頭新酒熟。爐中香篆飄。一家兒單等來人報。

遙瞻玉殿傳金榜。淨掃蓬門插錦標。不隄防。咫尺親身。到安排。下杯盤酒果。擺列着歌舞笙簫。

你若進門之時。單看你頭角崢嶸。衣冠濟楚。要慶賀你。却將甚麼打發他。

六煞 露春蔥。接玉鞭。轉秋波。觀紫袍。擡頭不見烏紗帽。多情却被無情惱。好氣權將惡氣包。賽瓊林倒做了村田樂。怎禁他虛心兒賀喜。假意兒酌勞。

他的開氣。你已受之不盡。你也躊躕幾句話。抵當他罷。

五煞休把小眼兒看。莫將閑話兒嘲。聰明人聽我低
聲告。春風桃李姿容媚。秋水芙蓉氣韻高。早共晚天
之道。這其間難移時刻。不錯分毫。

你若應答不過。却將古人比方如何。

四煞太公會鼓刀。甘羅相本朝。論誰年老誰年少。休
將此恨悲前事。自分吾生有下梢。胸中改不了。元龍
傲。但得個身心安樂。長則是脚手堅牢。

希德此去。但打得過這番惱。話呵。也就有自在處
了。

携千河
梁與易
水擊筑
一般悲
歌

三煞包藏了八面鋒。收拾了五彩毫。水邊林下閑垂釣。旋收落葉。供茶竈。自汲清泉。養藥苗。時不遇從吾好飯蔬。飲水陋巷簞瓢。

再來功名路上。只是聽天命了。若以時事言之。便難說話。

二煞談天口閉的嚴。拏雲手袖的牢。取功名使不得。虛圈套。閑看世態眉常鎖。但說時人手便搖。誰不愛鴉青鈔。一處處人離財散。一時時水長船高。

一煞逃名遠市朝。潛身向草茅。權時用拙存吾道。無

不伏老

求到處人情好。不飲從他酒價高。非是俺寬懷抱。包
藏着三千禮樂。埋伏着九萬扶搖。

尾聲。愁嫌日月長。醉看天地小。謾歌流水高山調。似
你這知己知音天下少。

第五折

末上。褒衣博帶滿塵埃。獨上都堂納卷回。蓬巷幾
時聞好信。棘闈何日免重來。三條燭盡鐘初動。九
轉丹成鼎未開。殘月漸低人擾擾。不知誰是謫仙
才。老夫京師住了三年。頗有些靜養功夫。今歲丙

戊科、就便會試、三場已畢也、說不得七篇文章精
妙、單看八個字扶持、聞知明早揭曉、今夜必定先
有消息、書童、你好生聽信者、俵上相公息氣罷、我
待睡覺哩、這十六七、遭、永、沒、聽、見、這、麼、樣、信、兒、末
你但聽着、也沒折了甚麼本錢、俵且莫說前後十
七科會試盤費、只這三年也費許多錢、那一文是
轉的、利、錢、不、是、折的、本、錢、都、是、甚的、末前年那門
官、和我算官錢、本利、算了、個、沒、意、思、今、年、這、禽、獸
又和我算私帳的、本利、這一遭、又沒大來頭了、也

不伏老

三五

罷、放你睡去罷、**丑**急叫門科、**末**報信的人來了、書童快開門去、**俵**躡睡不應、**丑**又打門、**末**又叫科、**俵**半醒介、不要開門、他是索酒錢的、**末**不是、**俵**是要水錢的、**末**不是、**俵**任他要甚麼錢的、我只是不開門、此時正沒半個低錢哩、**丑**打門開入報云、老爺恭喜高中了、**俵**好靈夢、我方才睡着、夢見俺爺高中、自己先報了、那裏希罕你來報喜、正無一個喜錢哩、今後得了官兒、却有本有利了、等討了利錢來、多多賞些罷、**丑**無錢、賞一紙執照去罷、還要報

別處去。末。老夫。這件事。方才銷繳。不知我幾個朋
友如何。丑。山東中了許多人。不記得。只記的劉槃
賈同二名。末。孟節希德。都中了也。可喜可喜。正是
報道是龍人不信。果然奪得錦標來。下。副末。正生
小生上。殿上。袞衣。明日月。硯中。旗影。動龍蛇。縱橫
禮樂三千字。獨對丹墀日未斜。小生。劉槃。賈同。王
從善。是也。幸與梁老先生同登會試。前日已廷試
了。今日五鼓朝房中聽候傳臚。已報梁先生擢首
吾榜。大魁天下。果然不負此老平生大志。那壁來

的、敢、怕、是、也、正末上天福三年來應舉、雍熙二載
始成名、饒他白髮中中滿。且喜青雲足下生。觀榜
更無朋輩在。到家惟有子孫迎。也知年少登科好。
爭奈龍頭屬老成。老夫虛度八十二歲。奔走五十
餘年。今日方纔了得功名二字。傳聞叨居首列。且
未可信。須待唱名之後。方見端的。且喜忘年之友。
劉賈二人同登此榜。老懷又更慶幸也呵。副末正
生小生相見科同云恭喜恭喜。正末彼此彼此。同
志之友。今爲同年。何樂如之。小生老先生認識小

弟麼、末怎不認得、看你、面貌也、老辣了、庚辰到今、便是六七年矣、當時出於戲言、今日果然作同年也、何幸何幸、副末長安門開了、進去伺候唱名者、

下外扮呂丞相上

握髮招賢集鳳池、銅龍猶自漏

聲遲、這回夢見周公處、不是當年渴睡時、下官呂蒙正是也、備位當朝宰輔之職、今早聖上親御正殿、傳臚唱名、下官忝居首相、先來伺候、侍班讀卷、稱賀致辭、這時分天色尚早、俺且在這金門下待漏者、正末副末正生小生淨上、點朝鼓鳴鞭了、鴻

不伏老

三十一

臚寺官唱第一甲第一名梁顥、正末出班跪第一

甲第二名劉槩、副末跪第一甲第三名賈同、正生

跪第二甲第一名王從善、小生跪第三甲第一名

胡旦、淨跪鴻臚寺官贊叩頭舞蹈山呼訖贊禮畢、

傳奉聖旨、着開封府官、備傘蓋頭搭、送狀元歸第、

正末

南呂一枝花龍頭屬老成、虎榜標名字、衣冠唐制度、

車馬漢威儀、拜舞丹墀、瞻曉日天顏霽、簇春雲御仗

齊、昨日個玉樓前策士無雙、今日個金殿上傳臚第

一。

梁州

我只見那壁廂鋪張了法駕。這壁廂擺列了朝

儀。只聽的鈞天樂奏香風細。明良聚會文武班齊。狀元及第宸翰親題。插宮花烏帽簷低。飲玉酒滿奉金杯。賜袍笏可體春衣。從今後一步步不離了鸚班豹

尾。一時時不離了鳳闕龍墀。這的是文齊福齊三簷

傘罩王門內。借頭搭顯榮貴。兩朶銀瓜壯等威。歸去

如飛。

尾聲

誰不羨天街走馬黃金轡。上苑看花碧草堤。雁

塔題名玉碑記。占瓊林首席。受皇恩一世。穩步了雲

路鵬程九萬里。下

黃門官。上正末捧表同副末正生小生淨上跪開

讀云。雍熙二年三月二十日。臣梁顥等伏蒙聖恩

賜臣等狀元及第進士出身有差。謹上表稱謝者。

伏以黃屋臨軒。肆頒清問。丹墀唱第。首擢殊科。浩

乎恩典之自天。凜然報稱之無地。色隨喜變。寵與

媿并。臣顥誠惶誠恐。稽首頓首。伏念臣卷曲散材。

苦窳賤質。少嘗艱阻。但爲裴氏之吟。晚更耄衰。豈

謝表典
雅旋麗
可稱以
式

免輪人之議。逐癸庚於饑渴。混甲子於泥塗。妄意
揀金漫來市。璞青天萬里。堪嗟蜀道之難。白雪一
聲。誰和郢中之曲。笙竽異好。水石難投。曝腮屢殿
於龍門。鼓翼浪隨於鸚鵡。曾謂洪涇之迹。尚有飛
鳴之期。茲蓋伏遇皇帝陛下。文明啓運。壽考作人。
明詔賓興。豈漫修夫故事。听庭親策。冀有得於真
才。大開公正之門。廣聞直切之論。雲龍風虎。不約
而從。秋蜩夏蟬。亦知所感。真千載太平之運。起四
海狀元之心。遂使衰微。獲伸沉抑。桃花浪暖。化龍。

不伏老

三三

高躍於三層楊葉技精中鵠兼收於百步策方塵
於乙夜名已玷於甲科踞足鰲頭依光鳳表陞嚴
法駕仰瞻鹵簿之具陳聲徹清班俯聽鴻臚之傳
唱楓宸賜第既冒優恩藻宴均慈載叨盛禮習聞
弦誦詎聆雅樂之音久困葢鹽烏覩大官之膳在
公載燕繼事瓊林剪綵爲花降來金闕蓋自廊廟
而下覩以爲榮自有科目以來謂斯獨盛但念臣
壯心雖在來日無多白首窮經少伏生之入歲青
雲得路多太公之二年敢不益勵丹心愈堅素履

寒松不改於晚節。老馬或辨於長途。伏願德乃日新。由是與天地合德。人惟求舊。無忘乎耆老成人。鑿鑿是翁。使得畢餘生而報國。倔強此老。憫其秉直道而輸忠。臣無任屏營激切之至。謹奉表稱謝以聞。

生長梁唐晉漢周。

晚成宋代老龍頭。

奔馳客路三千里。

鏖戰文場五十秋。

事業巍巍掀宇宙。

子孫世世紹箕裘。

當時若更登科早。

那得芳名萬古留。

不伏老